

КУН  
НАФАСИ




◆ Ўзбекистон Республикаси Президенти Шавкат Мирзиёев 17 май куни Қозоғистон Республикаси Президенти Қасим-Жомарт Тоқаев билан телефон орқали мулоқот қилди.

Давлатимиз раҳбари Қозоғистон Президентини 70 ёшлик юбилеи билан самимий қутлаб, унга мустақкам соғлиқ, бахт-саодат ва муваффақиятлар, қардош Қозоғистон халқига тинчлик-осойишталик ва раънақ тилади.



◆ Президент Шавкат Мирзиёев Самарқанд шаҳридаги Ҳазрати Ҳизр мажмуасига ташриф буюриб, Биринчи Президентимиз Ислам Каримов мақбарасини зиёрат қилди.



◆ Ўзбекистон Республикаси Президенти Шавкат Мирзиёев 17 май куни Европа тикланиш ва тараққиёт банки Бошқарувчилар кенгашининг Самарқанд шаҳридаги йиллик йиғилишида иштирок этаётган Франция тараққиёт агентлиги бош ижрочи директори Реми Риуни қабул қилди.



◆ Ўзбекистон Республикаси Президенти Шавкат Мирзиёев 17 май куни Европа тикланиш ва тараққиёт банкининг Самарқанд саммити доирасида Еврокомиссия Раиси ўринбосари Валдис Домбровскис бошчилигидаги Европа Иттифоқи делегациясини қабул қилди.



◆ Ўзбекистон Республикаси Президенти Шавкат Мирзиёев Самарқанд шаҳрига ташриф доирасида Европа тикланиш ва тараққиёт банки президенти Одил Рено-Бассони қабул қилди.



◆ Президент Шавкат Мирзиёев 17 май куни Имом Бухорий мақбарасини зиёрат қилди.



◆ Ўзбекистон Республикаси Президенти Шавкат Мирзиёев Хитой Халқ Республикаси Раиси Си Цзиньпиннинг таклифига биноан давлат ташрифи билан ушбу мамлакатга жўнаб кетди. Ташриф дастурига мувофиқ, 18-19 май кунлари Сиань шаҳрида ХХР Раиси Си Цзиньпин билан музокаралар ўтказиш, «Марказий Осиё – Хитой» форматдаги саммитда иштирок этиш ҳамда Хитойнинг етакчи компания ва банклари раҳбарлари билан учрашув ўтказиш режалаштирилган.



Европа тикланиш ва тараққиёт банки Бошқарувчилар кенгашининг бу йилги йиғилиши қадимий ва бетакрор Самарқандда ўтказилаётганини биз мамлакатимизга, ислохотларимизга юксак ишонч ва эътибор ифодаси сифатида қабул қиламиз.

Шавкат МИРЗИЁЕВ

## БАРҚАРОРЛИК УЧУН ИНВЕСТИЦИЯ

Шу кунларда Самарқандда Европа тикланиш ва тараққиёт банки (ЕТТБ) Бошқарувчилар кенгашининг 32-йиллик йиғилиши ўтказилмоқда



Ўзбекистон Республикаси Президенти Шавкат Мирзиёев 17 май куни Самарқанд шаҳрида ўтаётган Европа тикланиш ва тараққиёт банки Бошқарувчилар кенгашининг 32-йиллик йиғилишида иштирок этди.

Давлатимиз раҳбари йиғилишнинг ялпи сессиясида нутқ сўзлади.

Йиғилиш доирасида Ўзбекистон инвестиция тақдироти ҳам ўтказилиб, бизнес соҳасида қандай катта имкониятлар борлиги кўрсатиб берилди. Бундан ташқари, анжуман сессияларида соғлиқни сақлаш, таълим, инфратузилма, транспорт, энергетика соҳаларида 40 дан ортиқ йирик хусусий шериклик лойиҳалари тақдимот қилинади.

Европа тикланиш ва тараққиёт банкининг Самарқанд саммити бугун якунланади.



European Bank  
for Reconstruction and Development

Европа тикланиш ва тараққиёт банки Ўзбекистоннинг стратегик ҳамкорларидан бири. Унинг мамлакатимиздаги лойиҳалар портфели 4 миллиард евродан ошган. Шундан 3,3 миллиард евролик лойиҳалар сўнгги тўрт йилда бошланган. Утган йил якуни билан Ўзбекистон банкнинг бешта энг асосий ҳамкорлари қаторига кирган. Йиллик инвестиция ҳажми бўйича эса унинг Марказий Осиёдаги энг йирик бизнес шеригидир.



Сирдарё вилояти

Тадбир

## Оловли сатрлари сўнмагай асло

Гулистон шаҳрида Ўзбекистон халқ шоири Ҳалима Худойбердиева таваллудининг 76 йиллигига бағишланган адабий-маърифий тадбирлар бўлиб ўтди.

Ҳалима Худойбердиева номидаги ижод мактабида бир гуруҳ таниқли шоир ва ёзувчилар, адабиётшунос олимлар, санъаткорлар шоирани хотирлаш учун жам бўлди.

Шоира ҳайкали пойига гуллар қўйиб, хурмат кўрсатилди. Сўнгра Ҳалима Худойбердиеванинг ижод йўли, у билан

боғлиқ хотираларни уйғотувчи кўлаб экспонатлар ўрин олган мактаб музейи кўздан кечирилди.

Сўнгра тадбир иштирокчилари вилоят мусиқали драма театри фойесида ташкил этилган Ҳалима Худойбердиеванинг ҳаёти ва ижоди акс этган фотогалерея ҳамда шоиранинг китоблари кўргазмаси билан танишдилар.

Адабий-маърифий тадбирда Ҳалима Худойбердиеванинг ҳаёти ва ижоди, унинг ўзбек шеърияти ривожига қўшган беқиёс ҳиссаси ҳақида сўз юритилди.

Шоира шеърларига басталанган қў-

шиқлар, «Навбахор» рақс ансамбли раққоса қизларининг чиқишлари тадбирга шуқуқ бағишлади.

Сирдарё вилояти мусиқали драма театри ижодкорлари томонидан таниқли ёзувчи Абдуқаном Йўлдошев қаламига мансуб «Юрагида йўлбарс ётган аёл» спектаклидан кўрсатилган парчалар барча иштирокчиларга манзур бўлди.

Тадбир давомида қайта-қайта этироф этилганидек, Ҳалима Худойбердиева асарлари шеърият муҳлислари қалбида йиллар давомида жаранглаб туражак. Унинг оловли сатрлари сўнмагай!

4-саҳифада Ўзбекистон халқ шоири Ҳалима Худойбердиеванинг оловли сатрларини ўқинг!



Аҳмад ТўРА олган сурат.





Andijon viloyati

Бор бўл, оқибат!

Абдували Жамолдинов Жалақудуқ туманидаги Ёрқишлоқ қишлоғида яшайди. Фарғона шаҳридаги имконияти чекланган болалар касб-ҳунар коллежида компьютер мутахассислиги бўйича таҳсил олган.

Абдувалининг қувончи

Яқинда Ўзбекистон касба уюшмалари Федерацияси Андижон вилояти кенгаши томонидан Абдувалига янги компьютер совға қилишди. Коллежда ўқиётганимда шахсий компьютерим йўқлиги сабабли, кўп амалий билимларни ўзлаштиролмаганман. Энди бунга имкониятим бор, – дейди у. – Келгусида масофадан туриб ишлаб, даро-

мад топсам бўлади. Бу билан менга ишлаш имконияти яратилди. Кенгаш ходимлари тумандаги яна 50 нафар имконияти чекланган болажонни совғалар билан йўқлашиб, уларга бир олам қувонч улашишди.

Анваржон ҲАЛИМОВ «ISHONCH»



Саёҳат

Гўзал диёр мафтунни

Гўзал масканларга саёҳат кишига хушқайфият, фаолиятида куч-ғайрат беради. Бунни теран англаган ҳолда маъмурият билан ҳамкорликда ишчи-ходимларнинг юрти-мизнинг сўлим масканларига ҳордиқ чиқариш учун сафарларини тез-тез уюштириб тураемиз.

Филиалнинг «Оҳангарон-шаҳаргаз», «Олмаликшаҳаргаз», «Ангреншаҳаргаз», «Оҳангарон тумангаз» бўлимларидан 50 нафар ишчи-ходимнинг Самарқанд шаҳрига йўл олгани ҳам ана шу эзгу мақсаднинг давоми бўлди.

Саёҳат давомида ишчи-ходимлар юртимиз тарихи, дунё тан олган қадим меъморчилигимиз намуналари билан танишишди. Улар тарихий обидалар, сўнгги йилларда амалга оширилган бунёдкорликлардан бир олам таассуротлар олиб, бу гўзал диёрга яна ва яна келишни кўнгилига туккан ҳолда ортига қайтишди.

Ҳамдам ЮСУПОВ, «Худудгаз Тошкент» газ таъминоти филиали бошланғич касба уюшмаси кўмитаси раиси



Мусобақа

Эҳтиром

Фидойилик унутилмайди

Мамлакатимизда ёши улур ҳаётларимиз, уруш ва меҳнат фахрийларига ҳурмат-эҳтиром кўрсатиш, эъозлаш, ижтимоий ҳимоялаш улар учун муносиб турмуш шароитини яратишга алоҳида эътибор қаратилмоқда. Соғлиқни сақлаш ходимлари касба уюшмасининг Тошкент шаҳар кенгаши томонидан бу борада қатор ишлар амалга ошириляпти.

Хусусан, Хотира ва қадрлаш куни муносабати билан Тошкент шаҳридаги барча тиббиёт муассасалари касба уюшма фаоллари иш берувчилар билан биргаликда соҳада фидойилик билан меҳнат қилган, айни вақтда пенсияда бўлган фахрийларнинг хонадонларига бориб, уларнинг ҳолидан хабар олишди.

Сана муносабати билан Соғлиқни сақлаш ходимлари касба уюшмаси Республика кенгаши томонидан «Қадрнома» ва «Ёднома» ёрлиқлари тайёрланиб, учрашувларда фахрийларга «Қадрнома», айни вақтда орамизда бўлмаган меҳнат фахрийларининг оиласига «Ёднома» ёрлиқлари ва совғалар топширилди.

Гўлназа ТОШПЎЛОВА, Соғлиқни сақлаш ходимлари касба уюшмасининг Тошкент шаҳар кенгаши раиси



Тошкент вилояти

Ўқув-семинар



Тоғ ёнбағридаги тадбир

Агросаноат мажмуи ходимлари касба уюшмаси Республика кенгаши барча вилоятларда «Соҳадаги расмий ва норасмий банд бўлган ходимларнинг ҳақ-ҳуқуқлари ва уларни касба уюшмасига жалб қилиш» мавзусида ўқув-семинар ўтказмоқда.

Навбатдаги тадбир Тошкент вилоятининг Оҳангарон туманидаги сўлим тоғ ёнбағрида ташкил этилди. Унда тармоқ касба уюшмасининг барча туман кенгашлари раислари, ҳисобчилари ва Оҳангарон туманидаги бир қатор бошланғич касба уюшмаси раҳбарлари, шунингдек, қишлоқ хўжалиги соҳасида норасмий банд бўлган баъзи фуқаролар қатнашди.

Машғулотлар жараёнида иштирокчилар касба уюшмаси тизимига киритилган янгиликларнинг афзалликлари ҳамда жамоа шартномасида ходимлар учун берилган имтиёз ва имкониятлар билан таништирилди. Айни чоғда, норасмий равишда меҳнат қилаётганларга иш берувчи билан меҳнат шартномаси тузишлари лозимлиги тушунтирилди.

Бундай ўқув-семинарларни бошқа шаҳар-туманларда ўтказиш, уларга кўпроқ бошланғич ташкилотлар масъуллари ва норасмий банд бўлган фуқароларни таклиф этиш, шунинг баробарида касба уюшмаларининг тарғибот-ташвиқот ишларини кучайтиришга эътибор қаратиш хусусида келишиб олинди.

Тадбир маънавий ва спорт тадбирлари билан якунланди.

Раъно МАҲКАМОВА «ISHONCH»

Спортда ҳам илғор олимлар

Фанлар академияси маъмурияти ва бирлашган касба уюшма кўмитаси Фанлар академиясининг 80 йиллиги муносабати билан қатор тадбирларни ўтказиб келмоқда. «Академия – 2023» спорт мусобақаси ҳам уларнинг мантиқий давоми бўлди.



Саралаш босқичида 1000 нафардан зиёд ходимлар қатнашган беллашувларнинг финалига 400 нафар иштирокчи етиб келди. Академия тизимида фаолият юритаётган ёш олимлар ва ишчи-ходимларни жисмоний тарбия ва спортга янада кенг жалб қилиш, саломатликларини мустаҳкамлашни мақсад қилган ҳолда «Соғ танда – соғлом ақл» шиори асосида ўтказилган мусобақаларда олимлари-

миз нафақат илм-фан, балки академикросс, стол тенниси, шахмат, мини футболда ҳам илғор эканликларини кўрсатишди. Барча спорт турлари бўйича пешқадамлар аниқланди. Мини футболда эса 24 та жамоа орасидан 1-ўринни Астрономия институти, 2-ўринни Умумий ва ноорганик

кимё институти жамоалари эгаллади. 3-ўрин Ядро физикаси институти жамоасига насиб этди. Ҳолиларга диплом ва қимматбаҳо совғалар тақдим этилди.

Шерзод ЖЎРАЕВ, ЎзФА Бирлашган касба уюшма кўмитаси раиси



Фарғона вилояти

Касба уюшма кўмагида

Устама тўловлари тўланди

Қувасой шаҳар тиббиёт бирлашмасида ўрганиш ўтказилганда меҳнат қонунчилиги талаблари бузилиши натижасида тиббиёт ходимларига тўланиши лозим бўлган тўловлар тўланмагани маълум бўлди.

Ўрганиш жараёнида Вазирлар Маҳкамасининг 2005 йил 21 декабрдаги «Тиббиёт ходимлари меҳнатига ҳақ тўлашнинг такомиллаштирилган тизimini тасдиқлаш тўғрисида»ги 276-сонли қарорининг 3.16 бандида лаборатория бўлими кичик тиббиёт ходимларига лавозим маошининг 25 фоиз миқдорига устама тўланиши белгилаб қўйилган бўлса-да, бироқ бунга риоя қилинмаган.

Маълум бўлдики, қайд этилган қонун бузилиши тиббиёт бирлашмаси раҳбарияти томонидан иш фаолиятида низоом ва соҳага оид меъёрий

ҳужжатлар талабларига тўлиқ риоя қилинмагани оқибатида келиб чиққан. Бу эса 12 нафар ходимнинг ҳуқуқлари бузилишига олиб келган.

Туман тиббиёт бирлашмасига киритилган тақдимнома ижобий ҳал этилиб, 12 нафар тиббиёт ходимига 2020-2022 йиллар давомида тўланмай қолган устама пуллари тўлаб берилди.

Зафаржон ҚУРБОНОВ, Соғлиқни сақлаш ходимлари касба уюшмаси Республика кенгашининг Фарғона вилояти бўйича меҳнат ҳуқуқ инспектори

\*\*\*



Қашқадарё вилояти

Ҳуқуқ

Навбатчи фельдшер ҳақ бўлиб чиқди

Қамаши тумани тез тиббий ёрдам бўлимининг Қизилтепа шохобчаси навбатчи фельдшери Ўрол Абдурахмонов иш вақтида йўл транспорт ҳодисасига учраб, тан жароҳати олди. Унга нисбатан Н-1 шаклдаги далолатнома расмийлаштирилди. Ҳузур туманлараро тиббий меҳнат эксперт комиссияси (ТМЭК) ҳулосасига асосан, унга 60 фоизлик касбий меҳнат қобилияти йўқотилганлик даражаси билан 2-гурӯх ногиронлиги белгиланди.

Аммо белгиланган муддатда суғурта компанияси томонидан ходимга бир марталик ва иш берувчи тарафидан ойма-ой тўлаб берилиши керак бўлган зарар тўловлари тўлаб берилмади.

Шу сабаб Ўрол Абдурахмонов Ўзбекистон касба уюшмалари Федерациясининг Қашқадарё вилояти кенгашига арз қилди.

Мурожаат кенгашнинг меҳнат муҳофазаси бўйича иш юритиш, ҳужжатларни расмийлаштириш ва бошқа масалалар бўйича услубий ва амалий ёрдам кўрсатилиб, камчиликлар бартараф этилди.

техник инспектори Жавоҳир Болтаев томонидан ўрганиб чиқилиб, Қамаши тумани тиббиёт бирлашмаси раҳбариятига ёзма кўрсатма хат киритилди.

Маъмур хатга асосан ходимга суғурта компаниясидан бир марталик 13 миллион сўм, Қамаши тумани тиббиёт бирлашмаси томонидан 2023 йилнинг январь-апрель ойлари учун 8 миллионга яқин, жами ҳисобланганда салкам 21 миллион сўм миқдоридagi зарар тўлови ундириб берилди.

Акмал АБДИЕВ «ISHONCH»



Хоразм вилояти

Ёшлар бирлашмалари фаолияти қониқарлими?

Ўзбекистон касба уюшмалари Федерациясининг Хоразм вилояти кенгаши томонидан таълим ва фан, давлат муассасалари ва жамоат хизмати, агросаноат мажмуи ходимлари касба уюшмалари Ҳазорасп тумани кенгашлари 2022 йил давомида Ёшларга оид давлат сиёсати самарадорлигини ошириш, ёшларнинг ижтимоий, иқтисодий, ҳуқуқий манфаатларини ҳимоя қилиш борасида олиб борган ишлари ўрганилди. Шу жараёнда йигит-қизларнинг меҳнат ва ижтимоий-иқтисодий ҳуқуқлари ҳамда манфаатларини ҳимоялаш, уларни касба уюшмалари фаолиятига жалб этиш, ҳар томонлама қўллаб-қувватлаш ва рағбатлантириш, шу тарика ўз иқтидор ва истеъодларини кенг намойён қилишлари учун имкониятлар яратиб бериш мақсадида амалга оширилган ишлар

танқидий таҳлил қилинди. Агросаноат мажмуи ходимлари касба уюшмаси туман кенгаши тизимидаги «Техтил» МЧЖ ҳамда «Диамонд» МЧЖ бошланғич касба уюшма ташкилотларида Ёшлар билан ишлаш комиссияси томонидан энди ишга кирганларни қўллаб-қувватлашга жиддий эътибор қаратмоқда. Давлат муассасалари ва жамоат хизмати ходимлари касба уюшмаси Ҳазорасп тумани кенгаши тизимидаги ташкилотларда ёшларнинг ижтимоий-иқтисодий, ҳуқуқий манфаатларини ҳимоя қилиш бўйича жамоа шартномалари-

даги имтиёزلардан самарали фойдаланилмоқда. Ёшлар бирлашмалари навқирон авлоднинг меҳнат қонунчилигига доир ҳуқуқий саводхонлигини ошириш мақсадида тарғибот тадбирлари ва давра суҳбатлари ўтказиб, спорт мусобақалари уюштирмоқда. «Устоз – шогирд» тизими жорий этилгани эса нур устига нур бўлмоқда. Аммо тармоқ тизимидаги бошланғич ташкилотларда бундай муҳим тадбирларни амалга оширишда айрим хато-нуқсонларга ҳам йўл қўйилмоқда. Бу жиҳат Федерация-

нинг Хоразм вилояти кенгаши ижроия кўмитаси раёсатида кўриб чиқилди. Шунинг баробарида тармоқ касба уюшмалари Ҳазорасп тумани кенгашлари ёшлар бирлашмаларига иш юритиш, ҳужжатларни расмийлаштириш ва бошқа масалалар бўйича услубий ва амалий ёрдам кўрсатилиб, камчиликлар бартараф этилди.

Бахтиёр ИСМОИЛОВ, Ўзбекистон касба уюшмалари Федерацияси Хоразм вилояти кенгаши раисининг ёшлар масалалари бўйича маслаҳатчиси



Жараён



